

般若波罗蜜多心经回遮仪轨

皈依发心 (三遍)

诸佛正法菩萨贤圣僧，直至菩提自他竟皈依；
为利一切如母诸有情，愿证诸佛般若究竟义。

称念圣号

南无本师释迦牟尼如来、应供、正遍知、明行足、善逝、
世间解、无上士、调御丈夫、天人师、佛、世尊。(三遍)
南无大悲观世音菩萨。(三遍)
南无般若会上佛菩萨。(三遍)

念诵心经 (三遍) (A-B-C-B-C-B-C)

A 礼赞文

无可言思般若度，不生不灭虚空体；
各别自证智行境，三世佛母我敬礼。

敬礼十方三世一切诸佛。

B 般若波罗蜜多心经

观自在菩萨，行深般若波罗蜜多时，照见五蕴皆空，度一切苦厄。舍利子！色不异空，空不异色；色即是空，空即是色。受想行识，亦复如是。舍利子！是诸法空相：不生不灭，不垢不净，不增不减。是故空中无色，无受想行识。无眼耳鼻舌身意，无色声香味触法。无眼界，乃至无意识界。无无明，亦无无明尽；乃至无老死，亦无老死尽。无苦集灭道。无智亦无得。以无所得故，菩提萨埵，依般若波罗蜜多故，心无罣碍，无罣碍故，无有恐怖，远离颠倒梦想，究竟涅槃。三世诸佛，依般若波罗蜜多故，得阿耨多罗三藐三菩提。故知般若波罗蜜多，是大神咒，是大明咒，是无上咒，是无等等咒，能除一切苦，真实不虚。故说般若波罗蜜多咒，即说咒曰：揭谛揭谛，波罗揭谛，波罗僧揭谛，菩提萨婆訶。

C 持咒 (尽量多持，越多越好)

达雅塔 唵_母 嚩_得 嚩_得 巴日_阿 嚩_得 巴日_阿 桑_嚩 嚩_得 博底梭哈

依心经遣除违缘法（三遍）（南无→1 南无→2 南无→3）

南无敬礼师，敬礼佛，敬礼法，敬礼僧，
敬礼大佛母般若波罗蜜多。

我之一切真实语，当愿成就。
如昔时天王帝释思惟大佛母甚深般若波罗蜜多义，
依止念诵，而遣除魔王波旬等一切违缘；
如是我亦思惟大佛母甚深般若波罗蜜多义，依止念诵。
魔王波旬等一切违缘，
愿皆遣除（击掌）→1 →2，
愿成无有（击掌），愿成寂灭（击掌），愿极寂灭（击掌）。

不生亦不灭，不常亦不断。
不来亦不去，不一亦不异。
能说是因缘，善灭诸戏论。
我稽首礼佛。→3

以上（A-B-C-B-C-B-C）+（南无→1 - 南无→2 - 南无→3）（九遍）

吉祥文（一遍）

平息八万魔部类，违逆害缘皆远离，
顺缘成就且圆满，愿此吉祥如意成。

回向文（一遍）

愿以此功德，普及于一切；
我等与众生，皆共成佛道。

殊胜菩提心妙宝，未生起者令生起；
已生起者不退转，祈愿辗转更增上。

愿我所修胜功德，速证般若大佛母；
及一众生悉无余，悉皆成就彼尊地。

昼吉祥、夜吉祥，上师三宝加持大吉祥；
诸瑜伽者皆吉祥，一切有情愿吉祥！

愿善妙增长！